

本
草
彙
言

本草彙言卷之十九

錢塘倪朱謨純字甫選集

男洙龍冲之氏藏稿

南贛劉廷瑞連城甫校正

鱗部

魚類

鯉魚味甘氣平無毒。

蘇氏曰。鯉魚處處有之。其色紅。從頭至尾。共三十六鱗。每鱗有黑小點。鰭鰓有諸魚之長形。既可食。又能飛昇神變。

○鯉魚治水腫。消脚氣。散胎脹之藥也。夏碧潭曰。鯉鱗三十有六。具六六之數。陰之極而陽生。陽生故能行水消脹。安胎妊而消脚氣也。其功長于利小便。故別錄方又能消黃疸。利濕熱。俱宜煮湯飲之。李氏曰。按丹溪翁言。諸魚在水。無一息之停。體質雖寒。能滑腸胃。性又能動。

風發火。久食發濕中熱。諸魚皆然。不獨鯉也。

○集方治水腫白附子水脹。用大鯉魚一尾。去鱗翅腸肚。用赤小

豆王不留行五合。水一斗。煮鯉食。飲汁頓盡。利水即差。○又方用

大鯉王不留行一尾。去鱗翅腸肚。水五升。煮乾。加釀醋少許。蘸食。

一日一作。五日愈。○治妊娠胎動不安。用大鯉一尾。去

鱗翅腸肚。煮熟。和醬油調羹湯飲之。如胎中兼患水腫

者。煮鯉飲湯不可加鹽味。○治婦人傷胎下血。及胎動

不安。用大鯉一尾。治淨。用糯米二合。黑棗十枚。水二升。

煮熟。和葱薑醬油調和食之。○治積年骨疽有蟲者。用

餡糖敷一夜。次早以溫湯洗淨。用生鯉魚肉切薄片貼

之。少頃蟲出取去。再如法貼之。蟲盡疽愈。

○鯉魚膽味苦氣寒無毒主目熱赤痛青盲翳障之藥也聖濟總錄方治目病生翳及赤脉飛血纏睛用鯉魚膽汁滴銅鏡上陰乾竹刀刮下每點少許于目眥內。

青魚味甘氣平微有毒沉也降也入足厥陰陽明經

蘇氏曰青魚生江湖間南方獨多北地時或有之色正青其頭中骨蒸熟晒乾狀如琥珀荆楚人作酒器甚佳

○青魚利濕痺散腳氣之藥也釋醫冷菴曰此魚色青應

東方木入通肝膽故開竅方治濕痺脚氣者蓋取此東方青色入通肝膽之義而膽汁乾收點一切目亦翳障三上卽効而頭中骨治心腹卒痛欲死以白湯磨服

白魚味甘氣平無毒

劉氏曰白魚生江湖中大者長六七尺色白形窄腹扁鱗細內有細刺頭尾俱昂而向上武王白魚入舟卽此

○白魚，開胃下氣，調五藏，令人肥健之藥也。日樓渠泉曰：按盧氏曰：白者金色，金者水之母。故仲景方治水云：澤上而消渴，水下潤下而小便不利。開寶推廣開胃者，開發上焦，熏膚，充身澤毛。若霧露之漑，令人潤身而肥健，氣無不下，水無不去矣。

大氏曰：此魚多食，能使熱中發瘡。故患瘡癩人不可食。食之發瘡，炎瘡不發者，作膾食之良。

石首魚簷又名白鯛

味甘氣平無毒

入手足太陰經

李氏曰

石首魚

生東南海中其形如白魚扁身弱骨細

鱗黃色

首有石二枚

望潔如玉

腹中白鱗可作膠用

每歲四月初來自海洋

聚羣延連數里能鳴其聲如雷

海人以竹筒探水聞聲乃下網截流取之溢以淡水皆因

圉無力初水來者最佳二水三水來者形漸小而味漸

減矣羅氏曰諸魚日暴乾皆可爲鰻其味美不及石首

以白色者爲佳故俗呼白鰻宜暴極燥收貯竹節中以

稻草疊裹不露風者爲妙若露風則變紅色失味也

○石首魚簷健養腸胃清理積痢消化瓜果之藥也陳五

占曰石首魚色黃成鰻色白得土金清和之化有養脾理肺之功故開寶方治久病脾胃虛食減不能進厚味者以此煮白水煮爛食之其性不熱不寒不乾不膩能消故滯能補新清健利腸胃爲腸虛胃弱人必需用之誠藥食中之良品也如生鮮者用葱蒜香草和鹽搗拌壓

實時入鍋蒸熟食之。味極鮮美爲食中佳餚。不免有動風發氣起痰助毒。有病人不宜食之。

○石首骨味鹹火性燥研極細能止久年腦漏每晚臨睡時服一錢酒調下魚膠味甘鹹氣平無毒。

李氏曰魚膠卽石首魚之白膚。惟者有之中空如瓶故舊名曰鱠。可熬爲膠。粘物甚固。此乃工匠日用之物也。

○魚膠暖子藏益精道之藥也。周士和曰魚膠係石首魚之鱗。甘鹹而寒。乘夏令而出。得水土和平之氣。甘能養脾。鹹能歸腎。故方書用之。善種子安胎。生精補腎。治婦人臨產艱澁不下。及產後一切血崩潰亂。血暈風癟。剪碎和麥麵炒焦研細末。白湯調服三錢。入十全大補丸。大補陰陽兩虛。血虛精少。

鯽魚味甘氣溫無毒。

韓氏曰：鯽魚所在池澤俱有之。形似小鯉，色黑而體促，嘴大而脊隆，惟食泥土，不食雜物。其性善鳴，遇暴雨急流，此物逆流而上，能越池塘。大者有重至一二觔者。冬月肉厚子多，其味尤美。如江南之洞庭湖、斷州之青林湖，皆產大鯽，長二尺。食之肥美，蓄充上品。觀此則鯽為佳品。藥食選珊瑚古尚矣。

○鯽魚合五味葱椒煮食補虛羸和中下氣潤腸胃止熱病之藥也。江春野曰：按丹溪翁言諸魚屬火，獨鯽魚屬土，有調胃養五藏之功。入食品中亦稱佳味。如配合他藥治療疾苦，奏驗又非一端也。謹選諸家集方於左，以便臨證取用。

○集方治胃弱不食，并藏府不和。或痢疾不止用鯽魚和醬醋葱椒調和食之。○治卒病水腫用大鯽魚一尾去

腸肚。畱鱗。以商陸。赤小豆。各二兩。填滿札定。水二升。煮
極爛。去魚陸。僅食豆飲汁。二日一作。不過三次。○治

集解方

小兒

齁喘。

用活鯽魚

二個。

養糞缸內。

半日取出。

濁水養

半日。淡水煮熟食之。○治腫毒。結核不散。用鯽魚一個。

以赤小豆

一合。水浸裏。

和鯽魚同擣爛。

敷一二

節散。

○治諸瘡。十年不瘥。以鯽魚連腸肚。用滋泥裹

通赤

去泥。取鯽魚研細末。

日日摻之。

一月平復。

中便毒。

用鯽魚一個。

連腸肚擣爛。

再和山藥。

敷之即消。

鱠魚血味鹹甘氣平無毒入足厥陰少陰經。

韓氏曰。鱠魚生南北方水岸泥窟中。李氏曰。黃貨屬章體多涎沫似鰐鱗而細似蛇而無鱗大者長二三尺。夏出冬藏。一種蛇變者名蛇鱠。有毒害人。南方鱠母虫以紅時水畜數百頭夜以松脂之其蛇化者必項下有白點通身浮水卽棄之。

○鱠魚血去風活血治血燥筋痙之藥也。李仁甫曰。按李氏方療口眼喎斜用血半盞研麝香二三釐調勻左喎塗右右喎塗左正卽用熱湯洗去風中血脉則口眼喎斜用血治之從其類也。

蝦味甘鮮氣溫有小毒。

李氏曰：跋出江湖者大而色白。出溪池者小而色青。鬚直爪長。背有斷節。尾有硬鰓。多足而好躍。其腸近腹。其子在腹外。有米蝦。棹蝦。以捕相名也。青蝦。白蝦。以色名也。海蝦。以海雨時名也。泥蝦。海蝦。以州產名也。嶺南有蟲。大如蠍。秋後羣聚水中。化為蝦。名曰天蝦。凡蝦之大者。蒸曝去殼。謂之鮀珠。明檳榔。醋。并食極鮮。

○ 蝦肉生搗汁和白湯飲。宣吐風痰。煮湯食之。托痘瘡下乳汁。乘活搗膏塗癰疽。將潰速出膿頭。

鳥賊魚骨名海螺蛸

味鹹氣溫無毒。

別錄曰烏賊魚生東海池澤今近海州郡皆有之蘇氏
曰形若革囊口在腹下人足聚于口旁無鱗有鬚兩根
一如帶黑皮白肉背上有一骨厚三四分狀如舟形輕虛而
白重重有紋腹中血及膽黑如墨可書字但逾年則滅
跡惟存空紙爾南越志云其性嗜鳥每自浮水上飛鳥
見之似死物而啖之乃卷鳥入水而食之故名烏賊能
吸波濱墨水令水潤黑自衛以防人害爾雅翼云九月
寒鳥入水化爲此魚故又名烏鯪不如果否雷氏曰凡
使勿用沙魚骨其形真假但以文順者是真橫者非也
水煮一伏時用外有一種柔魚骨與烏賊相似但無骨
附人食解多用之

○烏賊魚骨散血癥通血閉止赤白漏下之藥也。張少懷

曰此藥味鹹走血色黑歸腎體輕屬肺氣躁入肝實爲
厥陰之劑故李氏方主血瘕血閉赤白帶下乃厥陰本
病也寒熱癰疾陰中痛疝痛乃厥陰經病也目熱流

淚。翳障攀睛乃厥陰竅病也。厥陰屬肝。肝藏血。故諸血病皆宜用之。又吳瑞方治老人痰閉哮喘。呼吸不寧。婦人房事違理。水戶腫痛。小兒重舌蛾口。及牙疳走馬。或痘瘡濕爛不收。如痰與氣傷之病。風濕膿血之病。亦宜用之。經驗方言烏賊魚骨。專主血閉。然血閉有有餘不足二證。有餘者血滯不足者肝傷。此藥所主血閉。肝傷不足之病也。正與素問相合。入藥宜煮去鹹味用。

○集方烏賊魚骨研極細末治已上諸病。入服食方。每用二錢。白湯調服。如重舌蛾口。牙疳口臭。痘瘡濕爛諸證俱宜作末。摻搽。惟宜單行。不可他藥宜煮去鹹味用。

○腹中墨味甘酸治血刺心。胃作痛。醋磨服之。

鰻鱺魚味甘氣平有毒

李氏曰鰻鱺魚隨處有之其狀如蛇背有肉鬚色青黃其身連尾無鱗有舌腹白大者長數尺脂膏最多背有黃麻者名黃絲鰻鱺此魚善穿深穴如蛟蜃之屬善攻江岸嘗與水蛇同穴人觸畏之孟氏曰歙州溪潭中出一種背有五色文者頭似蝮蛇入藥最勝江河中難得五色文者倘腹下有黑斑背上有白斑者毒甚不可食

○鰻鱺魚消疳治療殺諸蟲止傳尸勞疰之藥也方益明曰此物其形類蛇無鱗有舌常與水蛇同穴其性有毒可知矣別錄言性本殺諸蟲故日華方用治傳尸蟲勞骨蒸夜熱往往推驗又如癰瘍瘻痔及風濕脚氣痺痛人常食之漸漸獲効性雖有毒以五味葱薑椒韭烹製得宜食之又能補腎藏壯虛羸謂其味甘而性稟水土之陰氣故也。

本草發明云鰻鱺所主諸病其功專在殺蟲去風耳。金

山有人病瘡相傳死者數人延及女子家人棄于江濱漁人引歸安置漁舍中日以鰻鱺魚食之其病遂愈又取骨燒烟薰蚊令化爲水熏齧殼及屋舍竹木斷蛀蟲置骨于衣箱斷諸蟲觀此則別錄謂殺諸蟲之說蓋可證矣。

倪朱謨曰鰻鱺魚昔名蛇魚其形似蛇頭似蝮身與尾

連無鱗有舌穿土穴居又與水蛇共處其屬蛇類而非魚類也因本草原附鱗部魚類中朱不敢外此另立他

部又因功能殺蟲治勞瘵故不敢棄今附魚類之末以俟後之好生者採擇焉。

介部

印蟲考

鼴版味鹹甘氣平無毒氣味俱陰入足少陰經。

別錄曰：鼴甲，生南海池澤及江湖中。韓氏曰：今取江州渝州交界者，骨白肉厚，其色分明，供卜入藥最良。論衡云：春格冬蟄，食丁溝而遊于蜀。鼴也。爾雅翼云：甲蟲三百六十，鼴爲之長。廣雅云：神鼴者，玄文五色，神靈之精也。說苑云：蠻鼴千二百歲，文五色，似金似玉，背陽向陰，上隆象天，下平象地。梁衍象山四足轉運應四時，文若篆二十入宿，蛇頭龍翅，左睛象日，右睛象月。博議云：廣肩巨腰，內肉外骨，雌雄尾交。卵生而恩抱，轉旋狂駭，呼吸以耳。周人云：凡取鼴用秋時。攻鼴用春時。類考云：蔡國君之守鼴。蔡氏因以爲名。長尺有二寸。三正記云：天子鼴長一尺二寸。諸侯一尺。大夫八寸。士六寸。藏陰故戴偶也。陰之老也。以火灼之，則以陽動陰也。鼴書云：春占後有寅卯木兆也。夏占前有巳午火兆也。秋占前左申酉金兆也。冬占後左亥子水兆也。或云鑼屬鐵聲，則伏菜油抹眼，則入水不沉。老桑煮之，則易爛。蘇氏曰：頭方脚短，鞍版自者，陽鼴也。頭尖脚長，鞍版黃者，陰鼴也。陰人用陽，陽人用陰。又云：鼴甲勿令中焉。陶氏言可仕。小錢可入桑，古者上下里皆通用。日華集用其

版後世遂主之矣。李氏曰：接觸氏用生龜灸取，日華用灼過者皆以其有生氣神靈也。口敗者謂鎊灼陳久如敗也。吳氏以自死枯敗之殼取版用，反謂灼者失性謬甚矣。雷氏曰：修治取版鋸去四邊，石上磨淨或酥炙酒炙。醋炙猪膽灸以黃色為度。如得神蟲當版心透明如琥珀色者最佳。凡入丸散須灸透研極細用不然。澄滓留滯腸胃能致癥瘕腹痛腸癰內瘻內瘻諸病入煎劑無妨。

龜版補腎滋陰之藥也。程君安曰：龜性神靈體靜息伏能變化吉凶延年多壽。故古方於陰虛有火之證專主之。如別錄方治虛勞骨蒸發熱惡寒或瘧瘧久經陰氣衰乏或淋帶赤白漏下不收或痢疾泄連滯痛不止皆陰虛而邪熱爲病者用龜版外剛內柔之具借其氣以相通且得水火既濟之義而陰虛瘡痍淋帶諸病自少矣。

方治虛勞骨蒸發熱惡寒用龜版童便浸炙配沙參
知母地骨皮牡丹皮銀柴胡懷熟地白芍藥○治痃癟
久纏陰氣衰乏熱多寒少用龜版醋浸炙配白朮半夏
牛膝當歸何首烏枸杞子○治血淋白朮滲漏不止用
龜版酒浸炙配當歸川芎白朮茯苓續斷杜仲牡丹皮
○治痢疾留連不止下後而積滯轉生疼痛轉加延久
不愈者用龜版醋浸炙配川黃連吳茱萸白芍藥木香
甘草芡實陳皮當歸已上集程松谷家乘

○龜膠減陰助水之藥也程君安曰龜稟金水之氣而生
得陰土之氣而養感北方玄武之精而成乃陰中至陰
之物也大有補陰補血之功如古方主陰虛不足而發

○熟地鹿膠丸。治口乾或咳咯血痰而骨蒸勞熱或腰膝痠弱而筋骨
痠疼或寒熱久發而瘧疾不已或婦人崩帶淋漏而赤
白頻來凡一切陰虛血虛之證益皆治之又按李氏方
云龜鹿皆靈而有毒首嘗藏向腹能通任脈故取其
版煎膠以補心補腎補血用以養陰也鹿鼻嘗反向尾
能通督脈故取其角煎膠以補命補精補氣用以養陽
也觀龜甲所主諸病皆屬陰虛血弱成勞之證自可心
解矣

○集方治已上諸虛不足之證如陰虛不足發熱口乾或
咳嗽血痰骨蒸勞熱或腰脊痠弱筋骨痠疼等證用龜
膠四兩切碎麥門冬一兩炒北沙參麥門冬懷熟地銀

柴胡地骨皮牛膝木瓜薏苡仁知母貝母桑皮各二兩分作二十帖煎服。○治寒熱久發瘧疾不止用龜膠一兩肉桂五錢於白朮土拌炒二兩分作五帖服。○治婦人淋帶赤白不止用龜膠三錢酒溶化每日清晨調服。○如病人陰虛者用龜膠陽虛者用鹿膠陰陽兩虛者龜鹿二膠合用每盞各用二錢切碎酒溶化服不飲酒者白湯調服。

治產後癟疾主方。用龜板鰐甲俱用酒炙各五錢當歸
柴胡茯苓陳皮生薑皮炮薑各二錢白朮白芍藥各三
錢牛膝一兩水二碗煎八分五更服如口渴加麥門冬
竹葉各五錢渴甚加知母天花粉各三錢痰多加川貝
母製半夏各二錢五分元虛氣弱加人參五錢或至一
兩肺熱去人參加沙參桑皮各二錢汗多加黃耆一錢
北五味八分寒甚加桂枝乾薑各一錢熱甚加青蒿四
錢惡露未盡加桂枝桃仁玄胡索各一錢五分○治三
陰癟三日一發者用龜板鰐甲俱酒炙各五錢白朮一
兩肉桂三錢當歸二錢附子童便製一錢烏梅三個水
二碗煎一碗五更溫和服渣再煎天明服

琥珀甲味甘氣寒無毒入手少陰足厥陰經

陳氏曰：琥珀生嶺南海畔山水間。今海洋深處多有之。
李氏曰：其首嘴如鸚鵡，其身似鼴龍而殼稍長，背有甲
十數片。黑白、紅綠斑文相錯而成，明亮可愛。其羣邊有
花鉗如鋸齒，無足而有四齶，前長後短，皆有細鱗，斑文
海人養以鹽水，飼以小魚。大者如器，小者如豌豆。大者
難得，小者嘗有之。但老者甲厚而色明，小者甲薄而色
暗。取時必倒懸用淡醋浸之，則甲逐片應手自落。入藥
須用生剝者，乃靈。若經湯煮，力即減少。與犀角義同。唯
雌不交。相望而卵，其功解熱化
毒甚重，毒物之所避，研末者故名。

○琥珀解嶺南百蠱，百藥諸毒。安神定驚，解熱化痰之藥

陳士良

善解一切百蠱，百藥諸毒。及傷寒熱煩狂，言小兒驚風
也。翟秉元曰：琥珀，龜類也。得水中至陰之氣，寒而無毒。
客忤胎毒痘毒，乾枯火疔諸證，其功力與犀角相等。
繆仲淳先生曰：此物其性最靈，凡遇飲食有熱毒者，必

自搖動須用生者乃靈。死者則不能矣。嶺南人善以諸毒藥造成蠱。人中之。則昏憒悶亂。九竅流血而死。惟用活瑜瓈刺其血飲。或用生甲磨濃汁服之。可解。其性稟純陰氣味至寒。如諸病虛寒無火毒者勿用。

○集方解一切盤毒。用生瑜瓈磨濃汁服一盞。卽消。○預

解痘毒。遇時行痘疹。服此未發者內消。已發者稀少。用

生瑜瓈、生犀角。合磨濃汁一盞。和勻作三四次溫和服。

○治痘疹黑陷。乃心熱血凝也。方同上。加入猪心血。紫

草冰各五匙。溫服。

鼈甲味鹹氣平無毒沉也降也入足厥陰少陰經

別錄

曰鮀甲生池澤今處處有之以岳州沅江者甲有

九肋者勝李氏曰鼈甲蟲也水居陸生宵脊連脇與龜同類四緣有肉如裙故曰龜甲裹肉龜甲裹骨無耳以

目爲聽純雌無雄以蛇及鼈爲匹夏月孕乳其抱以影

陸氏曰魚滿三百六十則蛟龍引之而飛納鼈守之則免故一名守神性畏蚊通蚊叮卽死又熏蚊者復用鼈甲燒烟蚊卽遁跡物理相報復如此修治以滾湯泡洗去油垢蟲蟻淨用醋炙酒燉鹽便浸久隨病置宜可也

○鼈甲除陰虛熱瘧解勞熱骨蒸之藥也魏景山曰鮀甲

蟲也與龜同類而異種亦稟至陰之性色青入肝統主

厥陰分爲病如農皇之治心腹癰瘕堅積寒熱別錄

之治老癰瘍母寒熱痞積甄權之治骨蒸勞瘦骨節煩

熱蕩湖之治婦人血閉淋瀝經脉不通或五色漏下或

產難不順產後寒熱癰瘍惡血諸證悉屬厥陰血閉邪

結。漸至寒熱爲癥瘕。爲痞脹。爲瘧疾。爲淋瀝。爲骨蒸者。
或得主之。倘陽虛胃弱。食飲不消。嘔惡泄瀉者。陰虛胃
弱。吞嚥不下。欬逆短氣。升降不足。息者。用此無益也。

○集方治心腹癰瘕

氏家

血積。用鼈甲一兩。湯泡洗淨。米醋浸

一宿。火上炙乾。再淬。再炙。以甲酥爲度。琥珀三錢。俱研
極細末。大黃五錢。酒拌炒。共研細作散。每早服二錢。白

湯調下。

○治老瘧

附方

母將成瘧勞。用鼈甲二兩。醋淬火

灸同前。白朮一兩。土拌炒。明雄黃五錢。共研極細末。每

早晚各服二錢。白湯調下。

○治骨蒸

附方

夜熱勞瘦。骨節煩

熱。或咳嗽有血者。用鼈甲一觔。滾湯泡洗。去油垢。清

沙參四兩。懷熟地。麥門冬。各六兩。白茯苓三兩。

陳廣皮一兩水五十碗煎十碗澄再煎濾出清汁微火

熬膏煉蜜四兩收。每早晚各服數匙。白湯調下。

產甲

○治婦

人血閉不通。或淋瀝不淨。或臨產難順。或產後惡血不行。齧結成癥瘕痞積漸發寒熱。幾成勞者。臨產須豫服此可免。產後一切血患用鼈甲一觔製法同前。乳

杳。沒藥各二兩。俱用瓦上焙出汗。白朮當歸川芎白芍

藥乾。當肉桂。川黃連。牡丹皮。玄胡索。木香。甘草各一兩

俱用酒拌晒乾。微炒共十四味。俱研極細末。煉蜜九彈

子大重三錢。妊娠九月隨宜服之。臨產產後俱可服。俱

用白湯調下。

○續補集方治卒得腹痛。不可俛仰。用鼈甲二兩。製法同

利後甲

前研末。早晚各服二錢。白湯調下。○治婦人五色淋帶。
用鼈甲二兩。製法同前。每早服二錢。白湯調下。○治一
切癰疽。或腸癰內毒。用鼈甲一斤。製法同前。研細末。再
重羅篩過。再研極細。瘡口日摻少許。但不可多。內服二
錢。白湯調。毒在上食後服。在下食前服。

治腸痛和肝飲加減方。用鼈甲、柴胡、當歸、川芎、半夏、白

芍藥、枳殼各二錢。水煎服。

○左腸痛者。怒傷血滯也。加

瘀也。桔梗、白芥子。左右脇俱痛者。肝火盛而痰氣結
淤也。加龍膽草、香附。貝母、白芥子。兩脇走注痛而有癰者。
是痰飲也。加蒼朮、白芥子。膽星、瓜蒌仁。痛延日久作塊
不移者。是死血留瘀也。咳嗽氣急而失音。必成脇癰外
有肝氣凝盧真陰損乏。成脇痛者。宜十全大補湯加鼈
甲、牛膝。

少蠣味鹹氣寒無毒氣薄味厚陰也降也人足少陰屬陰

少陽經

別錄曰牡蠣生東海池澤及南海閩廣間今永嘉海旁皆有之蘇氏曰初生時假水沫傍石砂向日色漸結成形塊無雌故得牡名大如拳而四面漸長至數尺塊溫相連如房房中有肉大者如馬蹄小者如人指各曰蠣黃每潮來房開潮去房關閨時吸小蟲以充腹海人取者皆以烈火逼之鑿房挑取其肉食之味美以房唇殼可以砌墻燒灰水和可以粉壁雷氏曰一種形圓如龜殼大小皆夾砂石男子服之令無鬚也溫氏曰修治以童便浸七日取出米泔浸一日以鹽泥固濟火煅紅研極細用

○牡蠣滋精氣止崩帶之藥也顧汝琳曰此得海水浮沫附石結成乃濕生也本以水凝爲質應潮開闔體類堅金生則味鹹鹹能軟堅別錄所以化積去痞消癰散瘀癰也瘕則味澀澀能止泄農皇所以止婦人赤白帶下。

孟說所以止男子遺精夢泄也。大抵此海水所化之物。實無情而致有情也。遺精淋帶感無情之氣致損有形之質也。如失精與失血者。投此旋定。但味鹹氣寒。凡病虛而有熱者。宜用。虛而有寒者忌之。腎虛無火。精寒自出者亦非宜矣。

本草發明云。和杜仲服可止盜汗。和黃耆服可止自汗。和乾薑服可止陰汗。和麻黃根服可止頭汗。柴胡引之能去腸下痞硬。苦茶引之能消項上結核。大黃引之能去股間腫癰。歸芍白芍引之能止血淋。白朮又通淋止渴。車前瞿麥為使可也。瀉陽去滯防風柏葉爲佐可也。

○集方治久年痞積及癥瘕堅塊。用牡蠣八兩生搗極細。重羅篩過配乾薑十兩於白朮一觔。俱用酒拌炒共研極細末。飴糖爲丸。梧子大。每食前早晚各服二錢。好酒

吞下。

○治癆癰癰核

不拘已破未破用牡蠣四兩

甘草一兩研極細

每早飯後用一錢茶湯調服

○治婦人赤白帶下

男子遺精夢泄用牡蠣龍骨各二兩俱火煅通紅研極細末配芡實白朮各五兩俱酒拌炒研細末總和勻飴糖爲丸梧子大每早飯前用二錢米湯吞下

治心虛自汗。盜汗。經月不止。用牡蠣火煅五錢。麥門冬
黃耆。白朮。石斛。各三錢。半夏。陳皮。各二錢。甘草。北五味。
各一錢。水二碗。煎八分。侵晨一服。臨睡一服。半月卽愈。

同上

○治痢疾。窘急。脹痛。用牡蠣生搗一兩。大黃酒煮五錢。

枳殼。炒一兩。三味共爲極細末。紅麴打糊爲丸。如黍
米。每服一錢。白湯下。三四服卽止。按牡蠣火煅卽瀉而
止積。生搗卽行而消積。不可不知。○治陽虛自汗。用牡
蠣火煅五錢。人參三錢。麥門冬五錢。北五味一錢。煎湯
飲。立止。外再用牡蠣火煅數兩。搗細粉布包撲身上亦

可收汗。

設粉味鹹氣寒無毒沉也降也入手太陰足陽明經。

李氏曰：蚌氣繁多，今處處江湖間有之。惟洞庭漢沔獨多與蛤同類而異形，長者通曰蚌，圓者通曰蛤。故蚌從珠，蛤從合，皆象形也。後世蛤蚌渾稱者非蚌。大者長七寸，狀如牡蠣。小者長三四寸，狀如石决明。其肉可食。老者內有真珠，其殼可為粉。湖濱人水和印成錐子，市貿謂之蚌粉。用以飾牆壁，隔墓牆甚堅固。

○蚌殼粉化痰積定咳嗽解濕熱止白濁白帶之藥也。

醫歸水曰：蚌水產也。殼研爲粉，其體沉墜，其性寒潤而滑，治病之要只在行濕清熱化痰而已。如宋醫李防禦治濕痰咳嗽，肺氣壅閉，面浮喘腫者，而日華子治膀胱濕熱不清，爲淋，爲癃，爲濁，爲帶，或小兒脾熱疳積，爲痢，爲脹，諸證膀胱爲水府。此藥味鹹水化氣，相從，故兼用之。但性惟寒降，諸病屬脾胃虛寒而無火者須禁用。

之。

新編

卷十

○集方治濕痰發嗽。終夕不寐。喘促而浮腫如盤。用蚌殼粉研極細。一兩。真青黛三錢。共研勻。每早晚各食前服一錢五分。白湯調服。○治男婦小便淋溼痛澁。或白濁。白帶。用蚌殼粉研極細。一兩。車前子六錢。炒黃。同研細。每早晚各食前服二錢。燈心湯調下。

新編

卷十

○續補方治痰涎積聚。結于胸膈心腹。作疼日夜不止。或乾嘔噦食者。用蚌殼細粉一兩。巴豆仁十粒。同炒。豆焦黑。去豆不用。以紅翹六錢。作末。醋打糊丸。梧子大。每服三十九。置酒下。○治湯泡火燒。疼痛。川蚌殼細粉。不拘多少。历香油調塗患處。不痛不癢而愈。

方

新編

卷十

正統

本草

真珠味鹹氣寒無毒可升可降入手少陰足厥陰經

沈氏曰珠出海上池澤。按嶺表錄異云。廉州北海生珠母。乃老蚌也。海旁有洲島。島上有大珠池。每歲刺史親監珠戶入池。採老蚌取珠以充貢。池雖在海上。而池水味淡。亦一異也。卽採小蚌肉作脯食。亦得細珠如米。則此池之蚌大小皆有珠也。其他海旁亦有珠蚌。人取珠不甚光瑩。皆不及南海北海池中之珠。多而且奇。但溝水急流處。其色光白。若濁水及緩流處。其色多暗也。又按廉州志云。合浦縣海中有珠青嬰三池。池水亦不甚鹹。蚌人每以長繩繫腰。攜筐篋入水取蚌母。得一二枚。卽振繩。令舟人急掣纏起。設有一條血色浮水上。則人獲魚腹矣。又按格古論云。南珠色微紅。西洋珠色純白。北海珠色微青。各隨方色也。南番珠色白。圓羅爲上。廣西者次之。北海珠色微青者爲上。粉白油黃者下也。西番馬賈珠。色青如翠爲上。其老色夾石。粉青油烟者下也。又龍珠在頸。蛇珠在目。魚珠在眼。鼓珠在皮。蠶珠在足。龍珠在肋。蚌珠在腹也。凡蚌開雷則喪。其生珠如懷孕。故謂之珠胎。中秋無月。則蚌無胎矣。如入藥用。以新珠未經鑽綴者。以人乳浸三日。再入豆腐腹中煮。一生香和發心草研如粉。以二萬礮方細堪入服食。如婦人作首癱。過者或在死中。中者皆不可入藥。

其雲林

○真珠鎮心定志。安魂養魄。解結毒化。惡瘡收內潰破爛。
之藥也。黃正賜曰。珠生于蚌。而得中秋明月映之。乃孕。
得中天太陰之精。水土至陰之清氣也。故寇氏方用此。
治驚悸怔忡。癲狂恍惚。神志不寧。魂魄散亂。及小兒血。
氣未定。精神不足。嘗多驚恐。以此神光寶足之物。而驚。
亂可鎮。神明自安矣。甄氏方用此治一切諸毒疽瘡。穿。
筋潰絡。爛肌損骨。破通關節。膿血淋漓。潰久不收之證。
以此清明瑩潔之物。而惡毒自解。潰膿自收。肌肉自長。
矣。又若目生翳障。研末點之。卽消。瞳仁反背。研漿點之。
卽正。以此日受水精月華之氣。含光內媚之物。而目可。
明矣。但體質堅硬。入藥須煨豆腐煮熟。拌燈草研如飛。

上方堪服食敷點。倘研製不細用之能傷人藏府。以致生肉爲害匪輕。

古

脉

王

宗

○巢小治大人驚悸怔忡。癲狂恍惚神志不寧。魂魄散亂。
小兒血氣未定。遇觸卽驚。或急慢驚風。癇瘓搐搦等證。
用真珠一錢。以豆腐裹煮一時許。拌燈草同研如飛。
麩研極細末。配丹砂。琥珀。犀角。瓊瑤。天竺黃各五錢。以鐵
各六錢。同炒黃。研極細末。三末總和勻。煉蜜丸。龍眼核
大每服一丸。生薑湯化下。○治一切諸毒疽瘡。穿筋潰
絡。爛肌損骨。破通關節。膿血淋漓。潰久不收之證。方名
油蠟膏。用真珠一錢。製法同前。研極細末。頭生兒胞衣。

一具以銀簪穿孔數十。清水滌洗惡血淨。火烘乾燥不可焦研極細末如不細再烘再研務宜細如飛麪者佳。如內有筋皮堅糲研不細者去之。白蠟一兩。猪脂油一兩。火上共熔化和入胞衣末并真珠末調勻磁器收貯。遇是患以猪蹄湯淋洗毒瘡淨。將蠟油藥以軟根子脚壳取輕輕敷上。再以鉛粉麻油膏藥貼之。○治目生翳障用真珠三分製法同前研極細末。爐甘石白硼砂各一錢人手指甲五分三味共研極細和入真珠末內小蕊瓶封貯。每日點擦許于兩眞內閉眼半時許點三四次翳障自退。○治痘瘡有疔或紫黑而大或黑爛而臭或中有紫血線此證十死八九用真珠一錢製法同前。

研極細木碗豆四十九粒燒存性頭髮灰三分再取好
汕臘脂二錢同搗成膏先以銀簪挑破疔毒咂去惡血
以少許點之卽時變紅活色真奇方也

治痘後翻癰不拘上下部分腫爛淋漓者俱効用真珠
末象牙末孩兒茶各三錢白僵蠶二錢總和爲極細末
以澤寧臘脂調敷毒水如注漸漸收口○治下疳目桶
用珍珠生研細象牙末牛黃冰片各一錢牙皂二錢滴
乳石一兩研極細如飛麪共再研每服一分土茯苓湯

調下

廣華記

石決明味鹹氣平無毒沉也降也入足厥陰肝經

陶氏曰石决明是箇魚甲附石生狀如蛤惟一片無對七孔者良今嶺南州郡及登萊州海邊皆有之李氏曰形長如小蚌而屬外皮甚粗有細孔如粟泡內有光耀如銅之青紅綠色背鈎一寸有孔如鑽成者生于石崖之上上海人潤木乘其不意卽易得之否則緊結難脫也商言是鱉魚甲喚石決明一種二類功用兩相通用

○石決明去目翳赤障之藥也葛小溪曰此藥氣味鹹寒得水石清陰之氣而生凝着石上單片無偶合又得一陽清貞之化故別錄曰葉李珣三家皆言專療肝肺風熱治目疾磨翳障內服外點無不相宜須研極細水飛過方可入藥用

○集方治風熱傷血成翳障青盲用石決明火燒通赤研極細水飛過三錢羚羊角人指甲切碎微炒各二錢甘

菊花、生地黃、木賊草、穀精草、蟬蛻密蒙花、決明子、俱微炒各一兩研爲細末共十味總和勻用生羊肝七個搗爛成膏和爲丸梧子大每早晚食後各服三錢白湯下

○治目生翳障李時珍用石決明火燒通赤研細水飛過晒乾

再碾千匝磁瓶收貯點兩目皆

治鎮喉風用石決明火燒醋淬二次研細末用米醋調鴉羽蘸擦喉內卽吐痰立愈

汪有道傳

海蛤味苦鹹氣寒無毒沉也降也入手足太陽陽明經。

李氏曰海蛤生登萊渤海湍處皆有大者如碁子小者如麻粒其色黃白或帶赤色乃諸蛤之殼爲海水

著薄日久光莹明潔其殼至多巨細不能分別故通謂之海蛤粉紙日以螺水煮一伏時研細成粉水飛過川

○海蛤粉化痰飲下逆氣定喘腫

消胸膈滿張之藥也馬繼高曰此屬海水沙沫結而成形又隨海水奔聚沙磧

日暴而肉消僅存空殼也其體堅潔日隨湍水奔蕩不已故本草專主積痰畱飲停滯經絡藏府胸膈之間遏

逆氣道不行而爲腫爲喘爲脹滿爲大小不通假此堅潔潤下汨蕩通流之物而治閉逆不通之證則熱可清痰可化濕可利矣病因熱邪痰結氣閉者宜之若氣虛

有寒中陽不運而爲此證者切勿輕授

○集方治癰

癰癰

飲停滯中焦逆氣不下喘促成腫以致胸脇

滿脹甚則大小不通坐臥不寧等證用海蛤粉漢防已

葶苈子各七錢赤茯苓桑白皮各一兩陳廣皮郁李仁

各六錢共爲末

紅麴薑汁打糊丸梧子大每早晚各服

二錢米湯下

○治血

瘀因內熱者

用海蛤粉早晚各用

三錢蜜湯調服

○治傷寒

活血結胸脹痛手不可近用海

蛤粉滑石各七錢甘草三錢芒硝五錢共爲末

每服三

錢白湯調服

益膻中血聚則小腸壅小腸壅則血愈不

行服此則小腸通血脉流行而胸膈利矣

文蛤味鹹氣平無毒

韓氏曰文蛤生登萊郡海沙底大者二三寸小者五七分形如海蛤有膚文修短有刺一時取熟盡剝用

○文蛤粉止欬逆消胸痺化痰軟堅之藥也李氏養元曰按

成無己云文蛤之鹹走腎以勝水氣凡病水濕痰飲膠

結不化致成中官否隔升降失調滯于氣而爲欬逆滯

於血而爲胸痺者以此鹹寒潤木軟堅之物如氣之道

而不下肺而不道者可迎刃而解矣又如仲景書論傷

寒病在陽當以汗解反以冷水喫之或灌之其熱被却

不得出彌更益煩皮上粟起意欲飲水反不渴者以文

蛤散主之此藥生聚海漏急流搗研成散用沸湯調服

數錢能分利水濕之邪壅遏陽道昔仲景用之爲因寒

鬱熱假此分利表間水氣故耳。則知此爲清熱消飲之輕劑。凡必于欲飲水反不渴者用之。則知能洩偶鬱之熱而不能勝實結之熱矣。

○集方治癰飲膠結不化爲欬逆爲胸痺者。以文蛤一兩燒存性研極細末配薑製半夏膽星厚朴廣陳皮白芥子於白朮枳實各一兩俱同桂皮拌炒研爲末。每服晚各服一錢食後白湯調服。

蛤蜊粉味鹹氣寒無毒沉也。浮也入足少陰血分。

丘氏曰：蛤蜊生東南海中，白殼紫唇，大二三寸。謂浙人以其肉充海錯，亦可作醬鰯。此蛤蜊粉係海中諸蛤之粉，以別江湖中之蛤蜊粉也。大抵海中蚌蛤蠣之類，性味鹹寒，不甚相遠，功能大同小異。專化痰而軟堅也。若江湖蚌蛤粉無鹹水浸漬，專能清熱利濕而已。脩治火煅作粉用。

○蛤蜊粉主熱痰、濕痰、老痰、頑痰之藥也。蔡心吾曰：此藥生成游濱，味鹹氣寒，體燥性潤。按丹溪翁言：此藥治頑痰，能降能消，能更能燥。寒制火而鹹潤下，故能降焉；寒散熱而鹹走血，故能消焉。堅者更之以鹹，取其屬水而性潤也。濕者燥之以滲，取其經火煅而消水腫，利小便也。如陰虛火勝，肺燥葉傷而成欬嗽痰涎者勿用。

○集方治一切頑痰、老痰，如綿絮。如梅核，如桃膠，如蜆肉

形者其爲病狀爲咳嗽爲痞塞爲脹滿爲疼痛用海上
蛤蜊火燒赤研極細粉每早用指頭蘸數分擦牙用白
湯漱口隨嚥下如此用半月全愈能日日用之終身無
痰患能延壽○治遺精古方白瀨用海上蛤蜊一觔火燒赤
研極細粉川黃柏十兩鹽水炒研細末和勻用米糊丸
梧子大升早服三錢空心溫酒送下○治氣虛水腫垂
危者用海上蛤蜊三兩火燒赤研極細粉用大棗肉火
煨熟去衣淨搗爛爲丸如梧子大升早晚各食前服百
丸白湯下

車螯殼味甘鹹氣寒無毒沉而降陰中陰也入足三陰經血分。

李氏曰車螯其殼色紫璀璨如玉斑點如花海人以火炙之則殼開取肉食之似蛤蜊而堅硬羅氏曰其殼可備器物燒灰可封堵壁羅細粉可飾面蘇氏曰南海北海皆有之陳氏曰車螯是海中大蛤即蜃類也殼廣數尺有徑丈者亦或生珠亦能吐氣爲樓臺春夏依約島漱常有此景。

○車螯殼解癰毒化酒積之藥也蔡心吾曰按日華方治癰癧腫毒用此燒赤米醋淬二次研極細粉米醋調敷可止痛減毒又治酒積癰塊以車螯粉每早用二錢白湯調服。

淡菜味甘氣寒無毒沉也降也入足陽明太陽經。

陳氏曰生東南海中似葵子一頭小中帶細毛雖形狀不異然味甘美頗能益人晒乾收羅食時以滾湯泡軟去鬚用按阮氏云淡菜生海藻上故治癰氣與海藻同功。

○淡菜補虛養腎之藥也蔡心吾曰此物本屬介類原其氣味甘美而淡性本清涼故藏器方善治腎虛有熱及熱鬱吐血痢血便血及血鬱成癥留結筋脉諸疾惟堪和冬瓜茭白白蘿蔔同煮調油醬葱韭食之足以療已上諸疾不和藥料同用。

田螺肉味微苦氣大寒無毒

鴻氏曰螺生水田中及湖塘岸側狀如蝸牛稍大其色青黃其文左旋

○田螺肉去腹中結熟利大小腸之藥也吳養元曰按李時珍云螺蚌屬也其殼文旋左其肉屬隨月盈虧月盈則肉屬滿月虧則肉屬陷純乎得太陰至陰之清氣也故諸家本草統治一切熱疾如目痛腫赤大便結閉小便不通禁口痢疾黃疸濕熱水氣浮腫消渴熱中丹石毒發痔瘡痛脹等證或內服食或外掩貼一用卽平如病非關火閉氣結者勿用

○集方治時行風火暴發赤眼痛澀難忍用大田螺七枚洗淨新汲水養去泥穢再換水養先取一箇于淨碗內

着夢鹽花於麝內承取自然汁點目逐個用了隨放水中。如治爛弦風眼。本方再加銅綠末數釐和鹽花內。○治老人大便秘結不通。以田螺數枚水煮熟去殼以原湯少許調和葱椒油醬食之。○治小便不通腹脹如臌。

用田螺一枚連殼搗爛和食鹽三分麝香五釐研熟敷臍下一寸卽通此法兼治禁口痢疾能使積毒下行卽思食矣。○治黃疸濕熱用田螺二枚水養一日去泥取出連殼生搗入好酒一鍾布帛濾過將汁飲之三服効。

○治水氣浮腫用田螺二個大蒜肉一個去衣芥辣子二錢三味同搗勻隔帛貼臍上一寸一周時水從小便旋旋而下。○治上消渴飲不厭用田螺十個和糯米作

粥去螺食粥盡吐涎沫乃收飲之立効。○治丹石發毒
用田螺十個和菉豆五合煮食并汁盡作五製卽解。○
治痔瘡腫痛用田螺四個搗開麝入冰片五釐取水塗
痔卽消。

治大小便不通用田螺三枚搗爛入少鹽三分搗成
貼在膚下上尋卽愈用蠅牛亦可此方治瘻閉

螺螄味甘微苦氣寒有毒

李氏曰螺螄處處湖河皆有生江豆食之亦可
水通而瘦厚於田螺惟食熟方勝用鹽蜜水
其肉不可食之清明後其肉有蟲不堪食矣

○螺螄解酒熱消黃疸清火眼利大小便之藥也。蓋此物食土居水體性大寒善解一切熱。因火者服之見効甚速。惟其煮熟則無寒之氣。故調和食之不雜藥料劑中。但其面有毒如門中有毛者腹中有久泄不實并有冷瘕宿病或有久瘻癰瘍去皮肉泥生研極細摻之即收。

人部

亂髮

又名血餘味苦氣溫無毒入手足少陰經血分

李氏曰頭上曰髮屬足少陰陽明耳前曰鬚屬手足少陽目上曰眉屬手足陽明唇上曰髭屬手陽明頰下曰鬚屬足少陰太陽兩頰曰鬚屬足少陽其經氣血俱盛則色潤而長氣多血少則色潤而短血多氣少則色粹而長氣血俱少則其處不生氣血俱熱則色黃而燥氣血俱衰則色白而穢又血氣清者鬚稀血氣濁者鬚渾心慈者鬚軟心堅者鬚硬質壽者鬚索貧死者鬚枯素問云腎之華在髮王冰註云腎主髓腦者髓之海髮者腦之華腦減則髮悴而少壽又云水出高原故腎華在髮髮者血之餘血者水之類也又葉氏云精之榮在鬚氣之榮在眉血之榮在髮鄭菴云髮屬心稟火氣而上生鬚屬腎稟木氣而橫生故男子腎氣外行而有鬚女子宜人眉髮不異而無鬚者無外腎故也又有鬚髮之白有遲早之不同此不係年壽修短疾病之由而由祖父母遺體隨氣感應而已

○亂髮解癰毒補陰體利小便之藥也荀子江曰髮乘陽

氣而生稟陰髓而長爲心之標。血之餘也。叢生陽首而復倒垂。則炎上之用。卽潤下之體。故血盛之人。則髮潤而黑。血少之人。則髮燥而黃。男子八歲腎氣盛。齒更髮長。是髮因人之血氣。以爲生長榮枯也。故聖惠方治一切血病。凡上下諸竅出血。或吐血衄血。舌上出血。齒縫出血。或內崩脫血。糞前後血。小便淋血等證。有關陽躁陰離營陰失守。而致走失者。能入心走肝。益血止血也。况心主血。髮爲血餘。實爲血之苗也。本屬神化之精。以火煅之。復化而凝成。曰還血質。非神化而何。又蘇氏方用亂髮燒灰。或熬汁。治一切癰毒瘡腫。能止痛散毒。長肉生肌者。髮本心血之苗。而諸毒癰疽。實由心氣鬱閉。

不通血脉。因之而凝滯爲腫。爲癰矣。今以藉心血生長之物。而治心鬱血凝爲毒之病。以類從治。所以癰毒熾盛之際。用此立解也。

○集方治

方正宗

宋

一切血病。凡耳目口鼻上部諸竅出血。如吐血

衄血。舌上出血。齒縫出血。內崩脫血。糞前後血。小便淋

血等證。用亂髮八兩。滾湯洗去油垢。淨水一斗。鍋內煮

水乾添湯。以變化爲度。入砂鍋內微火熬成膏。人參湯

調服。十茶匙。○治吐血。衄血。用亂髮一兩。湯洗淨。烘乾。

火燒灰。存性爲末。細羅篩過。如有燒不化者。不可用。取

細末用。生地四兩。生側柏葉二兩。水三大碗。煎一碗。和

髮灰一半。與服。澄再用水如法煎。再和髮灰一半。與服。

和劑局方

古方

服完血立止○治腸風瀉血用亂髮一兩湯洗同前入

鍋內炒焦再入荆芥三兩槐花槐角各一兩俱入鍋同

亂髮再炒以焦黑爲度研極細末每早服二錢空心溫

酒調下○治婦人內崩脫血用亂髮二兩湯洗同前入

鍋內炒焦爲細末配當歸身丹參各三兩微炒爲末和

入髮灰煉蜜丸梧子大每早服三錢白湯送下○治小

便淋血用亂髮六錢湯洗同前草前子一兩茯苓五錢。

生地二兩水五碗煎一碗食前服二帖愈兼治小便不

通○治一切諸毒膏藥油內熬入亂髮數兩末潰能消

毒止痛已潰能長肉生肌○治齒縫出血亂髮炒焦研

細末摻之○治黃疸尿赤用亂髮燒灰每服一錢白湯

附方

古方

和劑局方

古方

和劑局方

古方

調下。○治蜈蚣蟎咬用亂髮燒烟熏之。○治大風癩之
用新竹筒十箇，內裝黑豆一層，亂髮一層，至滿以稻
火盆內煨之，候有汗倒傾滴出，以盞承接，以鵝羽掃瘡
上數日即愈。亦治諸瘡。

○頭垢味苦鹹氣溫有微毒

惟上者名百草霜

頭垢主小便淋閉不通及婦人吹乳腫痛之藥也。陸平
林曰：頭垢頭上垢膩也，其性滑潤而下走，故陶氏別錄
方治淋閉不通小便澁滯而楊起簡便方治婦人吹乳
腫痛竝用白湯調服數分，咸取其滑潤而下泄滑潤而
腫消之意。

指甲味甘鹹有微毒。

李氏曰：爪甲者，筋之餘。肝膽之外候也。靈樞經云：肝膽
膽爪，爪厚色黃者，膽厚。爪薄色紅者，膽薄。爪堅色青者，
膽急。爪薄色淡紫者，膽緩。爪薄直者，膽絕。爪惡絕黑者，膽結。

○指甲催生產去目翳之藥也。顧朽匏曰：指甲爲肝之標，筋之餘也。名爲筋退，謂其積日漸長，而能自脫也。李氏方用其催生產去目翳，取其脫以治不脫之意。與蛇蛻鱗脫義同，而陳藏器又謂用懷妊婦人爪甲更佳者，何也？蓋婦人氣血充實，乃能受孕。取其有生長力緊之意，又兼有待日而脫之情。

○集方治難產不下，并胞衣不落，取受孕本婦逐月剪取手足指甲，臨產將近，炒焦研細末，臨產坐草時，溫酒調

服。生產甚易。○治目生花翳。用衆人手指甲炒焦研極細末。乳汁調以簪頭蘸少許點入目內。同

治面生疔毒腫脹。至目與鼻俱隱入肉。牙關緊急。用患者手足指甲入茶匙內。燈上炙之。研細和入患者耳垢。齒垢和勻。如豆大。將銀簪挑開疔頭。掐入其藥。外用綿紙一層。津濕覆之。痛立止。半日腫半消。目可開。次日服仙方活命飲二劑愈。此法兼可治紅絲疔。并一切諸疔皆效。

廣筆記

人胞衣

河東

又名紫味甘微鹹氣溫無毒。

吳氏曰：首胎者，胞蒂居中，次胎者，胞蒂偏倚。欲試男，則
臘衣投水中，頻攬俟水定，其胞覆者男，仰者女也。董氏
曰：人胞衣古方不分男女，不論首生、女，惟健壯無病
婦人者可用。以紫色者佳。用米泔或清水洗去穢惡血
外，用銀簪兩面穿孔，使胞中繖水盡去，再用清水洗淨。
或用酒煮搗膏，和入藥中。或用火烘乾，存貯。臨用磨
爲細末，配入藥也。一方挑去筋膜，用繆氏言：筋膜乃初結真氣，不可剔去也。

○方龍潭先生曰：紫河車，昔人未有用者。始于藏器陳氏
拾遺，而丹溪確言其功，遂爲時用。吳球老人創大造丸
治一切虛損勞極，謂有益氣養血補精之功。故正嘉隆
萬泰、天六朝時，醫治諸虛不足，五勞七傷，情慾斲喪，咳
嗽無痰，或飲食少進，咳嗽有痰，自汗盜汗，形瘦無力，骨
痿少氣。凡精血不足之證，用此精血所化之物而補精

並所虧之地則精血完足而諸虛之證自除矣。設男子精氣虛寒，子嗣難成。女人血氣有虧，胎孕不育。以此修製服之，則精血充足，自能子矣。

繆仲醇先生曰：按丹書云：紫河車係天地之先。陰陽之祖，乾坤之橐籥，鉛汞之括囊。胚胎將兆，我則乘而載之，故謂之河車。兒孕胎中，脈系于胞，胞系母脊，真元所鍾，主吸呼胎息，轔轔任督。所謂龍虎兩弦，噓吹盈望，位育嬰兒之一炁也。合而言之，實先天之郛廓，主培後天之形藏。非草木金石之比，蓋木其所自出以從其類也。如陰陽兩虛者，服之有反本還元之功，誠爲要藥也。然得一男爻坎離之氣而成，不熱不寒，不澀不燥。凡陰虛陽虛，

有火無火俱宜服之。或者不達此理，謬言性熱，此未之思也。

集方大造丸

吳東方

製法詳

前註

烏黑

延年益壽

有奪造化之功

故名大造丸

用紫河車

一具

見前註

龜板

二兩童便浸三日酒炙酥黃黃柏杜仲牛膝俱鹽酒拌炒各一兩二錢北五味子一兩茯苓三兩當歸身二兩人參一兩五錢共八味俱微炒研細末天門冬麥門冬俱去心懷生地各五兩和砂仁末五錢同酒煮爛搗膏配入紫河車或酒煮搗膏或炙乾共爲末亦詳見前註共

搗和。煉蜜爲丸。梧子大。每早晚各食前服三錢。白湯下。
男子遺精。夢泄。婦人赤白漏下。本方竝加牡蠣粉一兩。
五錢。○治久癲失志。氣血兩虧。精神虛散者。用紫河車。
一具。治淨酒水煮爛。和油醬五味食之。

人牙齒味甘鹹性熱有毒入手足少陰足陽明經

李氏曰兩旁有尖曰牙無尖而不平曰齒腎主骨齒者骨之餘也。女子七月齒生七歲齒鈍三七腎氣平而其牙生七七腎氣漸衰齒漸槁髮漸白矣男子八月齒生七八歲齒鈍三八腎氣盛而真牙生五八腎氣漸衰齒漸稱髮漸墮矣錢乙曰小兒變蒸齒長不及三十六者由變蒸之不及其數也修治咽喉消散研細用

○人牙齒攻毒氣發痘瘡倒黓之藥也周士和曰按李氏

本草發明云近世用人牙齒治痘瘡陷伏稱爲神品夫齒者腎之標骨之餘也凡痘瘡其毒自腎出方長之際外爲風寒穢氣所冒腠理閉塞血濇不行毒不能出或變黑倒黓宜用此以酒漿和麝香達之竄入腎經發出毒氣使熱令復行而瘡自紅活蓋刲劑也若伏毒在心昏冒不省人事及氣虛色白癰瘍不能起發作膿或熱

本草彙言 卷十一
沸紫泡之證。止宜解毒補虛。苟誤用此。則鬱悶聲啞。反成不治之證。可不慎哉。

○集方治痘瘡倒壓。用人牙燒存性。入麝香一釐。酒漿調五分服。或用犢豬血調服。亦可。誤服寒涼而致黑壓者。此方亦宜。○治一切陰疽。不起發。頭凹陷。沉黯不疼。無熱。內服溫補。亦不起者。用人牙二個燒過。川山甲三錢炒焦。共研極細末。分作二服。用當歸黃耆各五錢。煎湯調下。或用酒調服亦可。○治臭漏惡瘡。用人牙齒燒亂髮燒雞內金燒三味。各一錢。五分研極細。入輕粉五分麝香一分。再研勻。油調敷之。

人乳味甘鹹氣寒無毒可升可降通行十二經。

李氏曰人乳乃陰血所化生于脾胃攝于衝任未受孕則下爲月水既受孕則潛而養胎已產則變赤爲白上爲乳汁此造化玄微自然之妙也入藥宜取無病婦人之乳白而稠者佳若色黃赤清而腥穢如涎者夏月久領不喫有腥氣者尤不可用有孕之婦其乳謂之忌奶小兒喫之吐瀉成疳癰之病最有驗也。

○人乳主充和藏府榮華腠理灌溉百骸潤澤枯燥人身轉運之神液益壽延年之聖藥也江春野曰此乃血氣之精液轉赤爲白亦內丹也凡治元神不足精神衰乏咳嗽無痰日晡潮熱或陰虛火動而骨蒸盜汗或久患黃而毛髮焦槁或筋攣骨痠而四體乏力或血竭陰消而腸胃閉結或三消渴燥而多食易饑或目暗昏蒙而

瞳仁乾結。是皆元虛火勝之證。惟此濡潤養榮之劑。統能治之。繆氏曰。但其性涼而滋潤。血虛有熱。燥渴枯涸者宜之。若藏氣虛寒。滑泄不禁。及胃弱不思食。脾虛不磨食者。並不宜服。

○集方治已上一切諸虛十證。統用茯苓、山藥沙參、地骨

本草

皮、紫苑百部、黃耆、牛膝、酸棗仁各二兩、陳皮一兩。用好

人乳五碗。拌勻。晒燥微炒研末。再配懷熟地四兩。乳汁

浸和酒煮半日。再蒸半日。搗爛爲膏。和前末藥。爲丸梧

子大。每早服五錢。白湯下。惟目病昏蒙。瞳仁乾結無光。

本方加蜜蒙花二兩。枸杞六兩。俱用人乳拌炒和入。○

治男婦氣血衰弱。虛痰虛火上升。或兼咳嗽吐血者。凡

一切陰虛火勝之證。又治中風癱瘓。手足疼痛。或麻木不仁。不能動履等證。用人乳二杯。香甜濃白者佳。好梨汁半盞。和勻。砂鉢內頓滾。以五百沸爲度。每日五更一服。能消痰補虛。生血止嗽。此以人補人之妙法也。如胃弱作瀉者勿用。○治風火時眼赤腫疼。痛。用人乳半盞。黃連五分。以飯鍋上蒸熟。頻點兩目。背內卽効。○陳氏養和方。治一切陰陽兩虛形神衰頓。精血枯涸。飲食減餐。慘慘不振者。或勞損吐血。咳嗽。夜熱骨蒸。津液內乏者。用無病乳婦數十人。每日取乳數十碗。用竹篩下鋪桑柴灰一層。中鋪粗紙數十張。上鋪白絹一幅。將乳汁傾入。薄鋪。烈日中晒乾。如不燥。用微火再烘。以鬆燥爲

度收貯淨磁器中。每日用好酒調一錢服。或和龜鹿膠酒調服更妙。

侍御陳自柳

龜雲林曰：一貴家子年十八歲患虛勞熱嗽喘而未
自汗頻發晝夜不能倒臥痰不絕口如此旬日命在須
臾一家徧求諸醫束手召守胗視六脉微數乃陰虛火
動之證予令其五更時將壯盛婦人乳汁一鍾重湯頓
溫作三四十日服之至天明服麥門冬懷熟地知母貝
母湯少項將白米三合入連肉紅棗數枚稀粥食之半
晌又進前藥加竹殼童便少許薑汁數滴頻服之至
午又進前藥許又食粉糕二塊半晌又照前藥頓服
至盡持晚進白米粥碗許又進前藥一劑夜間睡則藥
止醒則復服如此三晝夜藥不住口火乃漸息方臥倒
以後日服前藥一劑過半月病減十之七調理二月而
愈此證危甚至急非予用此法救之幾乎不起今後凡
此證者當照此服醫者當照此治未有不愈者也如已
作泄渴者不在此例

人尿味苦氣寒無毒

李氏曰人尿乃飲食
所化故字從水增意也

相

○人尿解一切熱毒之藥也。釋醫臨水曰人食五穀入胃津液上升而爲氣血糟粕下降而成糞。醞釀變化得脾土之氣故色黃也。味苦氣寒故曰華子主天行時疾陽明熱狂癲癇發背一切無名惡毒及黃疸身黃腹脹或男婦一切心腹急痛瘕攻癟盤腸伏病一時攻發連綿月餘不止者並皆治之雖係污穢不潔之物如此急病投用較諸藥獨靈好仁居士當留意焉

○集方治傷寒大熱狂渴用人尿一塊以新汲水調澄清灌之卽解○治一切火毒疔毒并時氣熱病口鼻出血

者用乾人屎一兩大塊火燒赤水調頓服。○治發背危急

症

并一切癰腫惡毒未潰時用乾人屎三兩醋和加麝香五分搗勻圍毒四邊如乾燥以鴉羽蘸蜜水潤之圍三

日大減毒勢。○治黃疽身黃腹脹用乾人糞一塊火燒

赤研末大人服一錢小兒服五分白湯調服三次即退

①治男婦積年心腹急痛或疝瘕攻痛或多年盤腸伏

病一時攻發米漿不入連綿月餘不正者用乾人屎三

兩火燒赤研細末配烏藥二兩爲細末和勻每服二

錢白湯調服。○治疗毒初起刮破以人屎乘熱敷之乾

即易不過數十遍疔根即出立瘥。○治痘瘡黑陷腹脹

危篤者此爲刲劑用人糞猪膽膏狗糞大糞各等分布包

臘月初旬收埋高燥土中。至次年臘月八日取出炒燥
傾銀大土罐盛之。鹽泥固濟炭火煅令烟盡爲度。取出
爲末。入麝香少許研勻。堯器密封收之。一歲服三分。二
歲六分。三歲一錢。蜜湯調下。須臾發起。此以毒攻毒。用
火煅者。從治之義也。

○糞清味苦氣大寒無毒

周氏曰。取糞清以臘月截竹一段。兩頭留節。隔天外青
皮浸糞窖中三年內積汁滿壺土中一月取出。節中開
孔灌入洋磚瓶中。仍埋土中。上覆以瓦。臨用剪齒取之。

糞清化熱毒。消熱痰解痘毒。熱悶倒懶之藥也。臨水曰。
此藥性味大寒而苦。其色黑綠。較之人糞更寒也。故草
氏集簡方亦治天行時疾。瘧疫。熱狂。煩渴。唇焦舌裂。垂

斃者飲二三杯無有不活者。凡一切火毒疔毒丹石藥
毒野草毒菌毒百蟲諸毒等並皆療之。

○集方治天行時疾陽明燥熱煩渴諸妄之證。并治一切
火毒疔毒丹石藥毒野草毒菌毒百蟲諸毒用糞清一
盞。真犀角磨汁一盞合和服之。二劑即解。○治毒藥箭
傷人立斃急飲糞清一碗即解。

○人中黃味苦微甘氣大寒無毒卽多年廁坑中磚石上
所凝結黃漿是也藥性治療大暑與人屎同解胃家熟
赤有効。○治人頭麻至心窩而死或自足心麻至膝
蓋而死者用人屎燒灰加豆腐漿調灌卽甦而愈。

童便味鹹氣寒無毒沉也降也入手足少陰太陰經

曰華子曰取童便必擇無病童子先飲米湯數錢去其濁穢俟轉清白無臊臭者取用自消亦可服。

○童便既濟陰陽清和血氣之良藥也夏碧潭曰此乃津液之濁者滲入膀胱而出其鹹寒下降降火甚速降血甚神故大氏爲除勞熱骨蒸咳嗽吐血及婦人臨產血暈悶絕之聖劑如褚氏勞極論有云飲溲溺百不一死服寒涼百不一生極言功力之最優也第其性氣寒降惟不利於脾胃虛寒或大便溏泄久不實者及陽虛無火食飲減少者胃中有寒痰停飲者咸在所忌

李漁湖先生曰按經云飲入於胃游溢精氣上輸於脾脾氣散精上歸於肺通調水道下輸膀胱故人服溲便

本草綱目 卷十九
入胃亦隨脾之氣上歸于肺。下逼水道而入膀胱。乃循其舊路也。故能治肺病。引火下行。而骨蒸勞嗽。吐血。上逆之所必須用也。

方龍潭先生曰。童便係真陽之精。真陰之質。血見則升。氣見則和。陰見則存。陽見則守。水見則升。火見則降也。屢治婦人血氣有虧。陰無所附。男子真陰內損。陽有所乘。所以臨產之時。惡心煩悶。血上搶心。或已產之後。頭暈眼黑。血崩不止。或呵欠。或嘔逆。或狂躁。或譫語失笑。一切臨產危證。用此則陰與陽合。血氣和平。設有衝逆于上者。得此鹹寒之味。可以順下。或妄崩於下者。得此清陽之氣。可以旋止。故于婦人爲胎產之聖藥云。如男

子陰虛不足者。可以滋陰。陽火有餘者。可以抑陽。迨見
嘔吐咯唾。衄血者。用此止之。咳嗽肺癆。骨蒸夜熱者。用
火盛水衰者。用此調之。傷寒陽極。狂躁者。用此散之。
氏方所云。童便既濟。陰陽清和。血氣良有義焉。

○集方治一切嘔吐衄血之證。用懷生地、麥門冬、沙參各
三錢。茜草二錢。牡丹皮一錢。水二碗煎七分。和新鮮童
便一盞服。○治骨蒸夜熱。咳嗽有痰。將成勞者。用本方
加地骨皮青蒿各二錢。○治婦人臨產血晕。悶絕垂死。
或呵欠。或嘔逆。或狂躁。或譫語失笑。及一切危證見者。
用炮薑。炮黑豆。當歸身各五錢。真川芎。益母葉各一錢。

玄胡索牛膝各二錢。水五大碗煎七分。和新鮮童便一盞服。如血崩不止。本方加黑荆芥人參各二錢。○治赤眼腫痛。法外以溲便時時取之。

○續補雜方治中暎昏倒。以熱溲便灌下。卽甦。○治頭痛青氏至極。以童便時時飲之。○治火燒悶絕。金方不省人事。用新鮮溲便。頓灌數碗。卽甦。○治跌撲折傷疼痛。科經用童便和

好酒飲之。能推陳致新。其功甚大。○治人咬手指。統中盛熱。尿浸一夜。卽愈。○治絞腸沙痛。用童便服之。卽止。

○治三消消渴。以溲便。頻頻飲之。○治傷寒少陰證。下

利。不止。厥逆無脉。乾嘔而煩。欲飲水者。用溲便。猪膽汁鹹苦寒。物於白通湯薑附藥中。其氣相從。可去格拒之。

患也

倪朱謨曰昔海昌劉默齋醫張學師三陰中寒厥逆自汗煩躁脉微而用附子理中倍加人參臨服和童便一鍾與服卽得安睡諸證霍然思此則龍潭方公所謂童便能使陰與陽合血氣和平可味

○人中白又名滑白僵味鹹氣寒無毒入足厥陰少陰太陽經

李氏曰人中白係人滑澄下白僵也以清水提澄以烈日乾者

人中白療心肺虛熱止傳尸勞熱之藥也葛小溪曰此

係人溺積滯結成鹹寒澀下之物耳宋人治肺熱勞嗽肺癰肺痿心膈虛熱羸瘦渴疾及鼻衄屢發等證背張杲醫說載李士常苦鼻衄垂危僅存喘息張思順用人

○人中白散卽時血止。又延陵鎮官魯棠病鼻血如傾日計盆餘頭空空然。思順亦用人中白散治之卽止。終身不再作。此皆鹹寒潤下散血之驗也。

○集方治諸竅出血。不拘此等便用諸血竊。用人中白每早服二錢。白湯調下。立驗。○治小兒牙疳。用入中白枯白礬川黃連各等分研細末。用髮簪蘸鹽湯攪洗牙穢淨。摻之屢効。

○人中白瓶碱味鹹氣寒無毒年久者勿日灌滾湯浸之灌浸二十二次候乾燥打破瓶用銅刀刮取功力與人中白同。

○秋石味鹹氣溫無毒。

張氏曰。秋石須秋月取童子溺。每雄桑條攬澄定。傾去清液。如此二次。乃入秋雨水一桶。攬澄如此數次。津穀滌淨。鹹味減除。以重紙鋪灰上。晒乾。完全取起。輕清在上者爲秋石。重濁在下者。刮去。古人立名實本此義。用漸惟取童男女。今人不取秋時。亦不取童男女溺。隨便雜收衆人之溺。但以皂莢水。澄。則爲陰燒火。蒸爲陽燒火。失其本性。何合于名。毋利敗人。安能應病。况經火燒。燥爛精血。外服令人成渴疾。

○秋石滋腎水。養丹田。潤心肺。消痰渴之藥也。門吉士曰。此係人尿。人中白。王公大人惡其不潔。方士遂以設法修製爲秋石也。治病功力與人中白同。亦無大奇驗處。

○紅鉛味鹹氣溫。有毒。門吉士曰。按李氏綱目發明云。女人入月。血液腥穢。故君子遠之。爲其不潔。能損清貞之氣也。如煎膏煉藥。養痘燒鉛。出兵演武持齋誦經。修心

養性命者咸避忌之此屬汚穢能壞人神氣故也今有
妖妄邪術鼓弄愚人其法取童女初行經血巧立名色
謂之先天紅鎧多方配合謂之參同氣之金華悟真篇
之首經愚人信之吞嚥滓穢以爲秘方往往發出丹疹
惡毒一切難以爲名之病殊可嘆惜按蕭子翁真金丹
書云一等愚人性好淫強陽復去采他陰口含天癸稱
仙藥恁你洳沮往用心嗚呼愚人觀此可自悟矣

口津唾味甘鹹無毒

李氏曰。口津唾乃人之精氣所化也。舌下有四竅。兩竅通心氣。兩竅通腎液。心氣並注舌下。爲神水。腎液流注舌下。爲靈液。聚于華池。泛爲津液。復使下嚥。所以灌潤臟府。潤澤肢體。濡養筋脈。據此也。故修養家。燕津納氣。謂之返元。人能終日不睡。則精氣常留。顏色不槁。若久不交。腎水不上。故真氣耗而精液乾。故渴也。難經云。腎主五液。入肝爲淚。入肺爲涕。入脾爲涎。入心爲汗。自主。

爲呼

爲呼

續湖

口津唾。消瘡痍疥癬皰腫毒之藥也。

續湖

門吉士曰。須於

五更未語時。頻塗擦之。極驗。

續湖

每旦漱口。擦齒。以水洗目。

及常時以舌舐拇指。揩目。久久令目光明不昏。又能

楊氏方

退翳。又治毒蛇咬傷。急以小便洗去毒血。隨取口中津唾。頻頻塗之。卽解。又治代指腫痛。以口津唾和硇砂數

分再加小麥麪少許。搜和作碗子盛唾令滿。再著硇末數分。以指浸之。一日即瘥。

人氣

李氏蘋湖曰人氣醫家所謂元氣真火也天非此火不能生長萬物人非此火不能存養生命故老人及久病虛弱人與二七以下童男或童女同寢藉其薰蒸最爲有益此真氣不熱不寒溫潤培養元氣衰弱之人宜用此法按謝承續漢書云太醫史循宿禁中隣寒疣病求火不得令衆人以口更噓其背至旦遂愈又抱朴子云人在氣中氣在人中天地萬物無不須氣以生善行氣者內以養身外以却邪然行之有法從子至巳爲生氣之時從午至亥爲死氣之時常以生氣時鼻中引氣久多出少閉而數之從九九八八七七六六五五而止

乃微吐之。湯冷其閒，習之既熟，增至手數，此爲胎息。或春食東方青氣，夏食南方赤氣，秋食西方白氣，冬食北方黑氣。四季月食中央黃氣，亦大有效。故善行氣者可以耐饑渴，可以延年命，可以行水上，可以居水中，可以治百病，可以驅瘟疫。以氣噓水，可使逆流；以氣噓火，可以使撲滅。噓沸湯，則手可探物。噓金瘡，則血卽自止。噓兵刃，則刺不能入。噓箭矢，則矢反逆回。噓犬，則不吠。噓虎狼，則退伏。噓蛇蜂，則不能傷我。昔張三丰善得行氣之法，遇有跌瘍，可與同牀，不相傳染。遇有精魅，或聞聲，或現形，或擲石，放火以氣禁之，皆自絕滅。若人在百里之外，有難以我手噓氣，男左女右，亦即可安。夫氣出于無。

形用之其妙至此而口絕數延年乎。按此卽吾心靈氣也。符篆家祖氣卽此。但彼徒係氣餒庸人依法行此安能得其驗哉。

按養真方治下元虛冷日令畜男女以時隔衣噓氣臍中甚良。如身體骨節疼痛令人更互呵痛處。久經絡透又治鼻衄不止。今病人仰臥于眉中間噓氣數十口卽止。

初生臍帶味甘鹹氣溫無毒

李氏曰：胎在母腹，臍連于胞，臍帶既分，一點真元歸之。命門丹田，臍乾自落，如瓜脫蒂，故臍者人之命帶也。其當心腎之中，前直神闕，後直命門，故謂之臍。

○初生臍帶補腎命解胎毒化痘毒之藥也。周士和曰：臍者命帶也。當心腎之中，爲真元歸縮之處。胎在母腹，臍連于胞，喘息吸呼滋養之妙由此而通。胎出母腹，臍帶剪斷，則一點真元之氣從此而歸入命門丹田，故臍爲命帶。而臍帶亦真氣之所結也。韓氏保嬰方以此治痘瘡灰白，寒陷不起發者。用臍帶炙燥爲末，乳汁調服，能使痘毒外發，漿水充足，虛寒之甚，藉此真陽之氣以培不足也。如前古以此治三陰久瘧，取臍帶九枚燒存性。

於白朮二兩。人參五錢。焙乾。俱爲末。入童便煮附子一
兩。鴉膏和丸。梧子大。每早服三錢。酒送下。亦取其補益。
真元。消靡陰癢耳。

臥血味鹹有毒

李蕡湖曰。血猶水也。水從入于中焦。泌別薰蒸。化其精微。上注於肺。流溢于中而散于外。中焦受此變化而去。行于隧道。以奉生身。是謂之脈。命曰營氣。血之與氣異名同類。清者爲營。濁者爲衛。宮行于陰。衛行于陽。氣主呼吸之。血主濡之。血體屬水。以火爲財。火活則紅。火死則黑。故曰氣者血之帥。氣升則火。氣降則陰。氣熱則行。氣寒則凝。邪犯陽經。則上逆。邪犯陰經。則下流。蓋人身之血。生長于脾。統攝于心。藏受于肝。宣布于肺。而施化于于腎也。修養家煉之。化爲白津。陰盡陽純也。葛弘死。一腔热血。化爲碧雲。積精靈之所以致也。凡人血入土。年久化爲燐燐陰魄之所化。

○集方治吐血不止。隨用吐出血塊炒黑爲末。每服三分。以麥門冬湯調服。蓋血不歸元。則積而上逆。以血導血。歸元則止矣。治衄血不止。亦同法。○治產後血量。隨取本婦血一塊。炒焦。醋湯調服。

人骨

許氏曰。骨主骨。骨者。肉之核也。靈樞經有骨度篇。論骨之大小長短。廣狹甚詳。

○人骨接骨折。療撲打跌傷之藥也。許日聞曰。按醫林集要云。治杖打傷損。用火燒過人骨五錢爲末。乳香三錢。瓦上焙出汙。共研勻。酒調服三錢。受杖者服此。不痛不腫。如撲打跌傷之人服此。先以杉木片。以軟絹札定傷處。立効。

筋過藥方六首

○治墜損跌撲疼痛能散血止痛。重陽日收老茄子百枚去蒂，四破切之，用消石十二兩，攜細以不津器，先鋪茄子一重，乃下消石一重，如此間鋪令盡，以綿紙十層密封，安置淨處。正月後，取出去紙三層，日中曝之，逐日如此。至二三月，茄已爛，開瓶傾出，濾去渣，取汁別入新磁器中，以薄綿紙三層蓋口，又曝至成膏，乃可用。每以酒調一匙，空腹飲之，日再服，數次後，惡血散，則痛止而愈矣。若膏久乾硬，即以飯湯化軟用之。

○治走馬牙疳出血作臭。用銅線五分，麝香二分，研極細，用屋角大蜘蛛一枚，再同研，用少許搽之。

○治吹乳癰。用小麥麴米和作皮。取星角上大蜘蛛一
枚燒存性。爲末。酒服即止。

○治腰脹。方用菖蒲根鬚。爲末。每服二錢。白湯下。

○治頸下結核。用好酒半盞。浸大蜘蛛一箇。浸半日。研爛澄去渣。取清酒服。服十數箇。即効。凡一切腫毒初起。服之即消。

○治痘瘡倒黑色黑。唇口冰冷。諸藥不效。用酒漿一鍾。取狗蠅七枚。搗細。調酒漿服。

○治娠婦惡阻。不進食。用大麥米煮粥食。即進食也。

○治小兒急慢驚風。用艾茹根搗汁一盞。加白蜜半盞。調白以茶匙挑入鼻內。立刻行次。驚病立定。